

## **Sažetak emisije Istraživačkog radio-časopisa sa Gregom Antonijem objavljene na radiju „Prvog amandmana“ u avgustu 2014**

Greg je započeo rekavši da je Toni Alamo u zatvoru od 2008, gdje izdržava kaznu od 175 godina zbog izmišljenih optužbi za seksualno zlostavljanje, i da nam je Toni posljednjih 40 do 50 godina govorio istinu o uticaju Vatikana na slobodu vjeroispovijesti i njegovom đavolskom načinu prodiranja u naš politički sistem. Objasnio je kako je Toni dopreo do hiljada i hiljada ljudi oko svijeta svojom pričom protiv Vatikana, koju je trebalo ispričati, jer postoje dokazi u prilog onome što je Toni govorio, pa su ga zbog toga krivično progonili.

Greg je spomenuo raciju koja se dogodila 2008. u Alamovoj sveštenečkoj službi u Arkanzasu, rekavši da je podsjetila na opsadu koju su federalaci napravili nad jednom crkvom u teksaškom gradu Vejkuo 1993, i da je to čuo preko trendovskih medija, koji su izgleda mnogo znali o tome. Smatrao je da je njihov cilj bio da zatvore tu veoma uspješnu sveštenečku službu koja je imala svoje crkve u mnogim američkim državama, i da zakonski progone Tonija. To su uradili tako što su napali djecu u ovoj službi. Prepričao je šta je jedan bloger rekao o raciji: kada su državne i federalne policijske snage nasrnule na službe Tonija Alamo, mnogi, ako ne i većina novinskih medija su bili u Teksarkani u Arkanzasu i posmatrali su kako se to odvijalo, a da ništa o tome nisu izvijestili, sve dok nije već bilo počelo. Znali su sve o tome. Racija je originalno bila zakazana za oktobar, ali se desila u septembru. U petak, dan prije racije, neko iz Ureda američkog Javnog tužioca je slučajno poslao i-mejl o raciji na adresu preko 50 novinskih dopisništava u zemlji. Taj i-mejl je poslan nekoliko sedmica prije nego što je racija trebalo da se desi. Greg vjeruje da je to bila namještaljka da se osudi Toni, prije nego što je mogao imati pošteno suđenje.

Jedan bloger koji se zove Frenk Lokvud je rekao: „Kako je zavjera bila otkrivena, policijski službenici su pomjerali unaprijed datum racije. Novine je trebalo da odluče hoće li objaviti priču u subotnjem izdanju ili će sačekati dan dva. Kako je, prema izvještaju bilo djece u crkvi, i kako su postojale navodne optužbe o zlostavljanju djece, novinske organizacije u državi su se dobrovoljno suzdržale da ne pišu o raciji sve dok nije već započela.” Uspalili su medijsku pažnju, a niko nije znao šta se tačno dešavalo. Sama jedna takva racija, koju specijalci izvedu kao operaciju za spašavanja taoca, šteti pravičnosti presude. Opisao je kako su specijalci upali sa puškama i pištoljima i strašno prepali djecu koja su se igrala napolju, u pokušaju da uhapsu Tonija koji tada čak nije ni bio tamo, već u Los Anđelesu. Ništa nije ukazivalo da je na crkvenom terenu bilo oružja ili nečega sličnog. To je bila miroljubiva organizacija i da su željeli da uhapsu Tonija, to su mogli učiniti tiho. No, to je bila predstava za medije i način da ga se osudi prije poštenog suđenja.

Tog dana je šestoro djece stavljeno pod skrbništvo države. Sljedećeg dana je priča bila objavljena u svim vodećim medijima. Vijest je eksplodirala nacijom, što je unaprijed osudilo g. Alamo. Priča je viđena u emisiji Opre Vinfri i nekim drugim vodećim kanalima koji se bave zločinom.

Greg je rekao da sa stanovišta tužioca nisu imali ko zna šta, a ono što su imali je bilo korumpirano. Taj slučaj je bio prekretnica da vam se pokaže šta mogu da urade ukoliko se okrenete protiv katoličke crkve i Vatikana. Greg je ukazao kako su Sjedinjene Države licemjerne, kako primjenjuju različite standarde, jer dozvoljavaju vaticanskim crkvama da ostanu otvorene nakon što je sakupljeno tako mnogo dokaza o tome šta se dešavalo djeci u školama u Kanadi, Irskoj, mučenju i zlostavljanju diljem

svijeta, a ipak dozvoljavamo tim crkvama da rade?! Imaju novaca, i moć i kontrolu nad našom vladom, pa im zlostavljanje djece može proći. Ako je vaš glas tako snažan kao Alamov, mogu i vas progoniti sa istim stavkama optužbe pod kojima su i oni krivi i iskoristiti medije, FBI, policijske službenike, mito i prisiliti ljude da podnesu lažne optužbe koje će kasnije povući. Spomenuo je građanski postupak koji se odvijao u martu i presudu od pola milijarde dolara.

Greg je opisao Tonija kao 79-godišnjeg slijepca u zatvoru. Onda je ispričao šta je Toni poručio iz zatvora: „Skoro 50 godina pokušavaju da me uhapse. Prvo su nas optužili da smo komunisti, pa su neumorno maltretirali i zatvarali nas i naše članove, jer su željeli da zatvore crkvu i spriječe moju ženu Suzan i mene da propovijedamo istinu o Božijoj riječi. Onda su od nas htjeli da naprave Vejkou, pa su nastavili da nas optužuju da smo opasan kult i naoružani teroristi. Zatim sam ja bio osuđen za zlostavljanje djece, što su bile optužbe koje je tužilac Okruga Los Anđelesa odbacio na kraju. Onda sam me optužili da sam prijetio federalnom sudiji otmicom. Porota je odlučila da nisam bio kriv. Onda su upotrijebili Poresku upravu da napravi lažni slučaj oko neplaćenog poreza na prihod, koji nikada nije postojao. A onda su mog advokata, Džefa Dikstina, koji je demonstrirao protiv taksi stavili u takav položaj da me proda ili ode u zatvor. Osudili su me na šest godina kazne. Zbog dobrog ponašanja sam izašao 1998. Federalni biro je neumorno nastavio da istražuje protiv mene. Konačno, 2008 su našli nekoliko lažnih svjedoka, koji su nekoliko godina ranije napustili crkvu i složili se da saraduju. Ponudili su im restituciju i novac u građanskom postupku, što im je bilo primamljivo. Za građanski postupak su doveli istih pet svjedoka, a šestog, također bivšeg člana, su iskoristili da im pomogne u kriminalnom postupku. Ali, ovoga puta je svjedokinja u građanskom postupku tražila novčanu nagradu te izmislila novu optužbu, prema kojoj je privedena da je udaju ali je uspjela da pobjegne. Sedma svjedokinja je bila u crkvi do juna 2010. Znala da sam bio nevin i pomagala me poslije suđenja. Otišla je u junu, ali se zbog novaca već prije avgusta priključila građanskom postupku. Građanski postupak je bio u federalnom sudu, ali kad se postupak približio sudija se konačno pozabavio prijedlogom za osudu bez odlaganja i odbacio sve federalne optužbe. Tako je slučaj bio zatvoren, pa ponovo otvoren u državnom sudu Arkanzasa. Sutkinja je dozvolila da sve optužbe koje je prethodno odbacila, budu ponovo podignute na državnom sudu. Nismo imali novaca da se opet borimo otpočetka pa smo izgubili, što je bilo za očekivati.”

Greg je rekao da su napali crkvu i Tonija tamo gdje najviše boli: na djecu. Pretražili su sve njegove službe da nađu djecu koju nisu odveli u prvoj raciji. Rekao je kako je u prvoj raciji učestvovalo stotina policajaca i tim specijalaca i opisao kako su odvukli šest djevojčica sa ljuljački. Ni za jednu djevojčicu se nije ustanovilo da je imala ikakve neprikladne odnose sa Tonijem. Odvukli su ih u policijskom kamion-vagonu, a djevojčice su pjevale crkvene pjesme. Opisao je forenzičke intervjuje koje su obavili sa djevojčicama sljedećeg dana i kako nisu ništa otkrili. Jedna od njih je bila sestra odrasle osobe koja je tamo živjela, ali su odbili da je vrate roditeljima. Odjel za nacionalnu sigurnost je zadržao svih šest djevojčica, iako nisu ništa bili utvrdili, a sudija je izdao nalog da se pokupe djeca sa svih crkvenih lokacija po SAD-u. Kongregacija se razbježala sa svojom djecom samo da pobjegnu, što je bio dobar način da se sve uništi. Spomenuo je kako su dva kombija puna djece zaustavljena na autoputu. Oduzeli su bebe i djecu i nikada ih nisu vratili. Greg je rekao da je to bila otmica. Opet je naglasio kako nikada nisu otkrili da su djeca bila kako povrijeđena, niti su našli išta što bi mogli upotrijebiti protiv Tonija u ovom slučaju, iako su se tome nadali. Znali su da je to bio način da unište crkvu. Greg je onda upitao da li je ovo gestapovska država. Greg je rekao da su to učinili da bi zatvorili crkvu, spriječili Tonija da govori protiv Vatikana, i oduzeli mu imovinu i novac. Greg je pitao: „Zašto nisu uzeli sav novac od Vatikana za sve što je napravio? Postojao je jedan takav sudski proces ali su rekli: ”Vatikan ne posluje

u Americi.” Pokušali su da unište crkvu tako što su raštrkali slovoslagače, stampare i distributere literature, koji su održavali crkvu na životu i svake sedmice odnosili literaturu u gradove Sjedinjenih Država, dijelili je na licu mjesta i slali je poštom. Greg je opisao literaturu kao nešto što on pripovijeda u svojoj emisiji: o uticaju Vatikana na slobodu naše vjeroispovijesti i naše vlade, i kako Vatikan ubjeđuje ljude da je on jedina prava crkva. E, ako je neko kult onda je to Vatikan! Greg je javio kako su roditelji imali strašan izbor da napuste službu ili izgube djecu i odreknu se roditeljskih prava. Malo je reći da je to bilo uništavanje djece i roditelja. Potom su djeci potpuno isprali mozak i naveli ih da postanu neprijateljski raspoloženi prema roditeljima, i da zamrze crkvu koju su nekada voljeli.

Pitanje koje je Toni postavio iz zatvorske ćelije je sljedeće: „Ako postoje porazni dokazi o zlostavljanju djece u katoličkom kultu, zašto nisu spriječili djecu da idu u njihove škole, crkve, sirotišta, samostane itd? Zašto se roditeljima koji svaki dan šalju djecu u taj kult koji zlostavlja djecu ne oduzmu roditeljska prava i zašto im se ne oduzmu djeca?”

Greg je ispričao kako je njegova majka umrla od leukemije kad je njegov, prerano rođeni mlađi brat napunio 6 mjeseci, a otac imao pregršt računa da plati. Nedaleko od njihove kuće je bilo jedno katoličko sirotište gdje su dovodili svu tu djecu.

Monsinjur ih je posjetio i umjesto da je ponudio pomoć Gregovom ocu, htio je da oduzme djecu i smjesti ih u katoličko sirotište. Otac je zgrabio monsinjora, bacio ga na zid, onesvijestio ga, pa ga šutnuo niz stepenice. Greg je rekao: „To je što ja osjećam za Vatikan. Šutnite ih u dupe i izbacite iz kuće. To je ono što je moj otac uradio, a mi smo odrasli veoma zdravi i sretni, i danas je moj brat jedan uspješan poslovan čovjek.” Otac je obećao da nikada više neće ući u katoličku crkvu što nije ni uradio. I nikada nije poslao Gregovog brata u katoličku školu. Pitao je Grega da ga ispiše iz katoličke škole, ali ga je Greg preklinjao da mu dozvoli da ostane tamo gdje je imao prijatelje i zato što je upravo bio izgubio majku.

U drugom dijelu emisije je Greg spomenuo zatvore u kojima je bio Toni i kako su mu pregledali poštu i kako su posjete bile organizovane. Nije bilo nikakve privatnosti. Vlada je platila Mreži za podizanje svijesti o kultu više od 5.000 dolara za intenzivno dvonedjeljno reprogramiranje svakog od tri svjedoka protiv Tonija, što se odvijalo u jednom udaljenom i povučenom centru koje se zove Velspring. Vlada im je platila povratne karte i dala 1.500 dolara za čuvanje djeteta jedne svjedokinje, koja je za to vrijeme bila na tretmanu. Platili su svjedoke pod krinkom da im plaćaju račune za osiguranje auta i slično, koje ne bi mogli da plate dok su bili u centru. Pol Martin, bivši upravnik Velspringa je lično radio na tim svjedocima. To je izvedeno u decembru 2008. odmah nakon čega se g. Martin razbolio od leukemije i umro nekoliko sedmica kasnije.

U prošlosti bi svjedočenje tih reprogramiranih bilo odbačeno sa suda. Ali ako bi se iko iz tima odbrane usudio obratiti svjedoku, optužili bi ga za uplitanje u svjedočenje. No, vlada može poslati svoje svjedoke na to mjesto da ih reprogramira. Neki ljudi tamo mogu da odu sa neutralnim odnosom a izađu sa neprijateljskim. To je važno da se istakne u ovom slučaju.

Rekao je da je Doroti Kari rekla da nije tačno ono što su pokazali u „*Neriješenim ubistvima*” i da Toni Alamo nije zlostavio njenu djevojčicu. To je bilo 1991. kada su pokušali da isto ovo neuspješno urade Toniju. Greg je pročitao objavljene dijelove u kojima Doroti opovrgava optužbe Džima Grifina prema kojima je Toni zlostavljao Karisu.

Greg je pročitao članak iz *Biltena Protestantske misije* iz Britanske Kolumbije o braći iz sveštenečke službe, koji su otišli u Kanadu da podijele literature u isto vrijeme kada je papa Džon Pol II planirao posjetu. Braću su uhapsili na dan kada je papa došao. Nisu podignute optužnice niti dat razlog, ali su ih zadržali u pritvoru dok papa nije napustio Kanadu i pustili bez ikakvog objašnjenja ili izvinjenja. Greg je produžio govoreći da je autor članka rekao kako je znao da je pravi razlog što je Toni Alamo ponovo bio u zatvoru taj što se dijeli literatura koja razgolićuje Vatikan. Vlasti pokušavaju da nađu lažne svjedoke. Ako su vlasti toliko zabrinute što su djeca zlostavljana fizički i seksualno, kako to da ne zatvore sve rimokatoličke institucije, kada je dokazana činjenica da je na hiljade djece (Greg dodaje na stotine hiljada, miliona tokom godina) bilo seksualno i fizički zlostavljano, mučeno pa čak i ubijeno od strane seksualno apstinentnih sveštenika? On pita: „Koliko često ste čuli da su, u iščekivanju pravde, tajno prebacili perverzno sveštenika optuženog za seksualno silovanje i zlostavljanje, u neki drugi manastir ili crkvu kako bi negdje drugdje mogao da nastavi da zlostavlja? Gdje je tu pravda? Kako je moguće da katolički roditelji, koji već znaju o svoj djeci koju su sveštenici zlostavljali, i dalje šalju svoju djecu tim seksualno perverznim pedofilima? Gdje im je prirodna ljubav? Zar se to ne smatra nemarom? Znaju za pedofiliju i mogu čitati o njoj svakog dana u novinama. Kako to da vlasti nisu zabrinute za ovaj dugi lanac seksualnog zlostavljanja djece? Primjenjuju se različiti standardi: jedan za Rim, a drugi za ostali svijet kao u slučaju Tonija Alamo.”

Greg je pročitao članak koji je 2009. napisao jedan čovjek po imenu Šejn i, koji Odjel za nacionalnu sigurnost zove Odjelom za ljudsku patnju. Rekao je da je Odjel ukrao 35 djece, zatvorio Tonija Alamo i, u stvari, takvim činom, izveo Bibliju pred sud. Alamova sveštenečka služba nije kult niti sekta, već jedna miroljubiva hrišćanska zajednica koja vjeruje u Bibliju i koja je aktivna u propovijedanju Biblije po cijelom svijetu. Kao bijedni razlog što su oduzeli djecu od roditelja, sudije su navele to što nisu bili vakcinisani niti registrovani kod vlade kao djeca koja pohađaju kućnu školu. Greg je onda spomenuo da oni mogu da stave i virus ebrole u vakcinu, pa da se treba čuvati njih i vakcine protiv gripe. Rekao je da oni zatvaraju neke od veb-stranica koje su protiv vakcinisanja djece. Šejn je rekao da je prava istina koja se krije iza otmice djece to što Alamove službe propovijedaju „VELIKI BABILON, MAJKA BLUDNICA I ZEMALJSKE GNUSOBE” (Otkrivenje 17:5).

Greg je rekao da su uhapsili Tonija samo zato što je bio veoma uspješan. Njegova sveštenečka služba je vrlo popularna i on je uspio prenijeti poruku hiljadama i stotinama hiljada ljudi. Da je sjedio kod kuće i razgovarao sa 20 ljudi ne bi im nikada smetao, ali, oni ne žele da njihova tajna izađe na vidjelo i zato mu se sve to i dogodilo. Jedino rješenje je da ne slušate šta vam mediji kažu o tome, zato što ne spominju pritisak koji je izvršen na svjedoke, i mnoge druge stvari. Osudili su ga i spominjali njegovu priču samo sa stanovišta tužioca, pa bi svi koji bi je čuli zaključili: „Mora da je kriv.” Tako to zajedno rade vlada, mediji i Vatikan.